

習
苦
齋
詩
集

習苦齋詩集卷五

錢塘 戴熙 醇士

題姚蓮石遺墨

自怡道人古奇士出奇於畫頗自喜常時人乞多所否一日忽畫二十紙標題十幅驟然起謂天召我不移晷江天遼闊歸席駛空山無人擲筆逝以畫得仙有仙理第七帙題句有江天自遼闊歸席莫紆徐之句十看君印壑清且美勃勃生氣殊未已那信官行神反止如月在天影在水吁嗟乎道人蓋不死

題畫

茅屋無多傍水灘涼雲四面綠漫漫高人自與塵囂隔不

在蕭蕭竹萬竿

謝卜堂師出李長蘅西泠橋圖命題

溼雲渺渺雨冥冥想見淋漓寫不停詩畫高情懷老輩滄

桑小劫感西泠

李自題有與孟陽坐此橋觀烟樹近即今日有人欲新此橋大可笑也云云

烟翠千重樹猶似模糊一幅屏明日湖山難作別可能借

我筆通靈

明日將之都

赴都雜憶四律寄示南中諸友

三年日月過駸駸重惜瀕行一寸陰此去可能酬

主眷若畱何以慰親心情知激箭須辭弩忍令游絲不戀

鍼咫尺睽違勞悵望家書始信抵黃金

妻孥未易住長安決計辭家作客單慣見別離千里近疆

持門戶一身難沈沈玉漏催頻轉黯黯銀燈剔又殘牕下
嬌癡小兒女牽衣猶勸過春寒

秋月春花酒一卮南中風雅盡吾師尋幽選勝狂攜手沁
筆裁牋笑撚髭事到追思方有味人當臨別反無辭新知
舊雨紛投贈愧乏歐陽叔弼詩

一葉扁舟卽是家暝風吹我到天涯隨身行李三千卷送
客天桃十萬花雲樹重重飛遠夢蓬萊隱隱蘊晴霞公私
未遂慙良友珍重髭鬢兩鬢華

江陰小泊

迢遞菱蘆外春波綠上篙亂山圍古塔密竹護天桃繫艇
依荒市沿邨買濁醪客心無賴甚江水日滔滔

清明節渡江至靖江

竹樹桃花入望平
君山山水縱橫布帆一幅人千里
春雨春風牧馬城

刀魚

刀魚乘潮出舟人時一獻呼童爲我烹
斫膾佐朝飯網開密鱗閃刃解脩尾健戢戢
玉膚動紛紛霜甲褪君看銀刀尺不及七首寸萬物各有真形似安足論

客中送春

三月三日春正好我行却出江南道
行盡江南過江北隨春踏徧天涯草
插棘邨邊杏子肥分秧陌上梨雪稀
已報春深雙燕語忽驚春盡羣鶯飛
年年送春如送客萬里茫茫

苾去無迹今年作客還送春兩情耿耿倍傷神手挽游絲
倚花坐桃花脈脈楊花驛春若有情當反旆飛起落花更
送我翦銀蠟斟芳醪高歌一曲聲敖曹莫待東方日杲杲
晨鐘一杵雞三號須與春去客亦起風捲歌聲入雲裏

丙戌春闈偕許玉年敬齋北上畫竹汶上旅壁玉年
敬齋亦畫柏一樹蒯聃生繼作梅石題者甚多戊戌
四月赴都補官復見舊迹玉年聃生已歸道山敬齋
亦不赴試撫壁懷人更題長句志感

熙也早歲登公車好事常作篆壁蝸黃昏投宿滿面沙狂
傾墨瀋爭翻鴉此壁舊作竹兩丫烟梢曾辱同輩誇二許
助我柏槎枿蒯生補寫一枝斜後之題者尤紛拏十三年

如赴壑蛇蕭郎重遇天之涯主人識我飲我茶道我姓氏
還無差爲言殘墨衆所嘉以袖拂拭手梳爬卅年學畫願
願奢忽忽兩鬢今欲華世知我者凡幾家不謂主人亦嗜
痴模糊壞壁不忍塗要知此意非籠紗却念故人心如麻
升沈存沒均可嗟題詩中夜睡眼花恍如忽夢少年事明
朝夢去誰能遮

東阿道中聞春闈放榜有懷應試諸友

借問求名士得失義何取去失本來無云得亦烏有傳聞
春榜發消息今夜走升沈各有數騰踔望吾友譬如觀劇
基於我孰左右雖非局中人常恐所親負憶昔老公車千
慮得亦偶至今遂羈宦僕僕趁塵垢鐸響馬摩疥燈暗蚊

逐醜草榻不成夢頗似瑱璫後誰能悟齊物吾師漆園叟
停車高唐見旅壁懸幅無字爲題一詩

逸少曾書楊惲詩一時清興寂堪思我非無佛稱尊者聊
免人呼沒字碑

大風揚沙看車前驛樹

驚飈破空走霹靂黃埃著人勢如鎗驛舍惆悵不可覓忽
見兩行新翠滴塵沙回互風排擊却似水天烟雨幕轅上
執鞭人泛鷁釣絲搖漾江洲荻竭來此景頗難覩燈下追
逋猶歷歷酒酣一疥居停壁

和作

貴州何璫蕩齡

平沙莽莽風狂吼白雲變幻成蒼狗千輪追逐聲轟轟

陰驅錯認雷車走我乘小車過津渡大地茫茫宿何處
車夫蒙袂不能言一鞭驅入冥濛去豈是南箕善簸揚
倒翻天瓢傾天漿又豈蚩尤曾作霧千里萬里雲封樹
君莫笑人人面上都生塵我亦菩提泥塑身至今始信
女媧黃土能搏人

七月二十日

上出精楮

命畫進呈

賜御用筆硯御審畫碟水盂雕竹筆斗清華勸品墨恭絕

一律

頻年塗抹不求師薄技今慙結

主知范綏鋪箋神慘澹綏綏作之米顛懷硯墨淋漓瓊瑤

錯落輝書几

鹵部森嚴拜

玉墀藻火山龍臣作會敢辭潤色

治無爲

魏英姑斷指歌

英姑字李李生死英姑聞之自斷指三月而歿歿無辭願
長齋特寓言耳昔子輿疾啓足手姑胡寸膚不自守詎知
英姑持大體識重輕中夜奏刀刀無聲還父母指畱我貞
畱我貞盡我孝泉下茫茫寐無覺英姑節奇德則庸烈婦
忠臣可垂教嗚呼爾姑兮不媿爾名姑兮姑兮三代之英

澄懷園獨坐題畫後

菱荷深處別開門散直歸來看曉暎
溫樹參差森御氣瓊樓清冷澹詩魂
丹青馳譽非吾願水石消閒亦

至恩擲筆臨風還獨踠爐香茗椀向誰論

奉

命督學廣東出都恭紀

戊戌秋七月

皇帝詔

臣

熙可充持節使興學越南陞

臣

謹拜表謝

召對

帝曰咨綏服連要荒多士號難治文教暨武衛汝當揆奮
之整躬屬用率雍莠良無遺其勿替朕命往哉慎乃司衡

命下殿陛周道方倭遲中心怵以惕鉅任敢肩仔念我本
寒畯弱冠走京師六赴公車召譚陋遭詆訾樗櫟分無用
棄捐固其宜不圖

高厚恩驅策到疲羸平生無所挾奚以酬

主知側聞嶺海表鍾毓多英奇棱棱文犀健燦燦明璣垂
珊瑚間翡翠光怪閃陸離搜採誠不易辛苦安敢辭况我
久困頓摧折挺挺姿艱難獲一第踴躍常自疑肯令盈尺
地不伸志士眉驅車復驅車努力天南馳持此一寸心歸
作拜獻資

曉發彭城尋黃樓遺址

月澹烟昏樹影團長隄一綫路千盤河流直向天邊落城

閨遙從地底看不見樓臺塵莽莽祇餘風露海漫漫黃花
白酒重陽近聞說秋禾雨未乾

時銅山
被水

符離

南登符離道北顧長河流連山去不斷形勢古雄州天空
四野靜道里何悠悠羣雄條已寂隴上多荒邱升高望鄉
邑漠漠皆良疇可憐征戰地西風禾黍秋惟聞山下邨日
暮呼歸牛

舒城道中書所見

車聲何軋軋邨夫自輦婦小男坐婦懷中男戲車右大男
能助父前挽後顧母渴掬沙中泉倦憩道旁柳手持籜笠
扇振衣撲塵垢日暮歸南邨蒼烟起林藪

飛鴉落牛背牛行鴉不知負鴉上坡攏鴉驚繞牛羣攏石
坐牧人濯足千頃陂上有高樹陰下有涼風吹仰天百無
事信口歌竹枝借問歌中語有意亡其詞歌竟騎牛去樹
杪鴉呼兒

黃梅驛館觀質王畫用畫中詩韻敬題

不道高才屬隆準也曾清興落江湖夕陽秋影雲林筆三
百年來絕世無

雨中過廬山

潯陽江橫匡廬縱中有驛路當其衝渡江入山交秋冬巖
深谷晦頽雲封香爐瀑布杳難逢烟霾霧雨相彌縫惟辨
十點五點松平生隻眼輕纖穠思獲奇秀開心胸山神縹

紗褰裳從拜手默祝肅且恭小臣

殿陛司珥彤瀕行

天語出

九重謂爾畫躡吳生蹤朕以萬里山水供歸來當手金芙蓉
靈宜鑒我爲我容詰朝氛淨紫翠濃瞥眼已過如神龍
他年芒鞋青竹節窮顛須至五老峰恣觀日出聽晨鐘

九月十日會鄂士於南昌月夜登滕王閣同賦

江上相逢話勝遊共攜明月到層樓半天廬阜開雲錦永
夜鄱陽打雪毬帝子繁華曾一瞬文章際遇卽千秋尋常
我輩登臨事珠樹聲名在上頭

庾嶺關

天險屹雄關，居高控百蠻。燠寒分地脈，南北限人寰。餘事
商通利，奇功俗化頑。千秋文獻廟，兀對萬重山。

觀音巖

長江去如箭，前有石壁遏輕舟。刺其下仰面，氣已奪是從
太空墮。不信地底拔，矗立五千仞。衣雲戴松栝，壁勢頗下
窺。赴澗有餘湯，遙見舌腭張。中嵌金銀闥，風利不可泊。轉
樞千里豁。

次韻

陳符運

唐市

幽探入空翠，山靈豈敢遏。公迺留餘天，闕不猝奪叢。
莽烟際攢磊，利天半拔遼。洞巖然開屏，翳藉杉栝久。知
延賞，心有如求士。渴何當，裾屐陪躡磴。叩飛闥，濟勝窮。

共顛四面盡軒豁

峽山寺

遨遊七千里忽墮山水窟
言登淙碧亭爲訪雲臺碣
遂入飛來寺載瞻帝子闕
朝陽閃寒澗涼風奏清樾
石氣潤人衣山花落我髮
却顧厓上樹各自踞碑碣
長根走尋土瘦筋絡石骨
攀根望來路平江如臥笏
江上青濛濛千峰鎖南粵
仙洞未可尋天葵且自掘

山生白背天葵能療百疾

歸足踏松陰

空翠冷於月

次韻

前人

度嶺境逾奇勃窣勝理窟
阻面矗高峰插雲山豐碣
天半明朱霞蓬萊現宮闕
古木秋生寒炎荒蔭林樾
微陽

綯纈跟酣翠綠簪髮破烟入幽寺懸厓駭呬似假神
見工綴此玲瓏骨羣山亘南離朝參如列笏徼倖懸陸
生儼裝能馴粵雖無仙佛緣行覓黃精掘漉酒澄江嶠
舉盃吞明月

峽山寺涼碧亭觀瀑次醇士過廬山韻

戴煦鄒士

平泉橫駛飛泉縱千尋壁立狂波衝迂流穴出鳴丁冬
旁亘大石屯豕封緣坡左轉迎面逢滿皴紺碧霞綺縫
菰蒲下覆上樟松蔚鬱差勝桃李穠清竒一洗埃壒胸
危梁促步勉力從驟觀神懾容爲恭疾如鏃矢紛峩彤
燦若明珠散疊重猱升不上烏絕蹤誰支竹覓僧厨供

平生偃蹇感秋蓉自傷瓠落難爲容世情轉淡遊興濃
安能枯守終茅龍湖山南北曾策筇冷泉亦繞飛來峰
知非瓦釜方黃鐘

上飛來寺再次韻

前人

叢林上覆山勢縱迂途斜繞衢非衝山深地僻無嚴冬
烟翠四合蒼顏封微行一綫絕處逢蟻旋九折如鍼縫
蹇裳會須從赤松紅蕉綠桂華遞穠須臾峭壁遙當胸
恣情欲上力不從靈光陡出詫魯恭瓦當列碧櫺撐彤
橫空棲桷飛簷重云是蕭梁仙人蹤巨靈驅策丁甲供
瑰竒削盡青芙蓉祇平十畝纔能容歸鰲洞近意復濃
愧非子晉乘虬龍危厓路斷難支筇恍如夢見蓬萊峰

空聆上界闍黎鐘

唐甫見和廬山詩韻十餘章用前韻答謝

我詩一橫復一縱君詩再突還再衝兩詩得氣如嚴冬虬
柯正要急嚴封豪情逸思偶一逢脫漏尤賴君彌縫惜君
未據匡廬松親看捕空朶朶機推雲納霧於其胸杳靄巖
壑紛相從高者如傲卑者恭迄今構虛管攬形神游直透
天重重欲以險語追奇蹤才寬韻窄焉能供知君家近青
芙蓉唐甫弋陽人煩君爲我爲先容他年狂游興必濃迂途定
訪陳元龍青鞵布襪支兩筇論詩參畫走千峰歸來同聽
東林鐘

謁韓文公祠同藍關示湘韻并序

祠在粵龍川長樂之間地曰藍關關前曰秦嶺按
公左遷至藍關示姪孫湘詩乃初出長安至藍田
關湘來迎公時作秦嶺指商山在鄧州公鄧州人
卽今河南南陽府過南陽詩秦商渺旣遠又次鄧
州界商顏暮雪逢人少皆指此藍關指藍田關雪
後寄崔立之藍田十月雪塞關又酬崔立之詠雪
見寄吾方嗟此役君乃詠其妍或指南行而言今
粵中乃有藍關秦嶺是誤公詩爲粵中作遂附會
焉作詩一正其訛

藍關秦嶺入南天不計潮陽路幾千
仙子遠來訛此地先生遙領問何年
分無雪塞荒祠外惟見雲昏古驛前

公宿
曾江

日示湘詩雲昏水北斗仰瞻泉俯飲大哉吾道本無邊唐書
斧流嶺南詩也
傳贊學者仰如泰山北斗蘇文忠廟碑公之神在天下
如水之在地中無往而不在也譬如鑿井得泉而日水專
在是豈理也哉

陽桃十六韻

嶺南徵異果酷嗜數陽桃珍木名齊荔仙根種並椒降精
迴日馭挹露仰天高拳曲身多節晶瑩卵不毛仰懸金作
彈碎剪玉爲袍廢圖含防鳥空山獻待猱一團刪片斧五
出鏤霜刀翠削瓜稜凸青攢豆莢牢微坳皺橄欖太瘦刻
葡萄褶疊宜藏袖玲瓏合繫條骨奇看此物脊豎類吾曹
角想胸爭出觚原手獨操廉隅矜夙勵鋒刃媿難韜投我
情殊愜偷渠興轉豪味回同苦茗香烈抵醇醪却笑匆忙

舊唐書卷五
甚荒唐賦老饕

唐甫和作

金玉投章麗瓊瑤
媿報桃瘴方多夏
雨洋果異冬椒坎
坎持竿伐離離
繫樹高生宜繁嶺
脊薦可並溪毛賣
虞晴拖屐懷來許
緼袍熟非催楚雀
偷未到吳猱三斂
均如削五棱排若
刀壺虛圓宵效碌
碌級偏牢瘡斷纏
瓜葛酸微帶蒲萄
觚形存骨鯁燈樣
欠絲條磊砢儕吾
輩癡肥笑若曹
揣摩雖太滑厓岸
却能操標格矜難
去挪揄節不韜餉
應齎遠物稱每侈
鄉豪莫漫澆香粳
聊堪佐濁醪平生
圭角在宛落感風
饕

鄂士同作

微外傳珍品南中產異桃辨歧梅五出樣借繭三纈差
類瓢懸許應偕橘頌騷纏枝難啄雀綴樹亦升猱毬挂
排緗錦燈張繫翠條承跗看瓦合入手認觚操凹屈剛
容指光明儼沃膏瓜皮紋半綻菱角穎全韜骨細穹如
脊膚柔淨不毛緊攢松粒小團結豆其牢碧色溫於玉
青痕豔似袍香奇供夜枕味澀佐春槽環轉纔登瓠弧
分偶試刀橫剗花片疊斜剖月棱高脆含哀梨並甘從
諫果叨海槎徵舊錄休笑漫題糕

七松追和滕王閣詩用前韻答謝

小坐篷牕話舊遊登臨曾效庾南樓迴看梅嶺橫雲障重
憶漳江湧月毬陳迹嗟如鴻踏雪新詩快睹鸚鵡盤秋何時

同過南昌郡九日開樽菊滿頭

原和

彩筆崢嶸紀勝遊
泊舟南浦共登樓
雲歸島嶼澄鳬渚
浪湧魚龍攪玉毬
風月有緣應感昔
江山無恙又逢秋
三王從此難專美
已得佳篇列上頭

洪都會記昔年遊
爲愛西山久倚樓
楓樹已迷青錦障
菊花未墜紫羅毬
文人筆底空千古
寒士天涯感暮秋
欲和陽春還自愧
衰年才盡遜前頭

潘芝軒師相七十壽寄呈二十四韻

上星辰煥人間翰墨香

累朝儲內相元老佐

今皇夙毓三吳秀曾占五世昌西清高甲第北斗大文章
使節持龍虎門材詠鳳凰新傳紅杏句舊是綠衣郎

北闕風雷奮南陔日月長白雲飛遠夢

丹詔壓歸裝十稔娛頤養

重熙待贊襄

飛龍徵

荷識司馬播遐荒管領圖書府承宣政事堂進賢操玉尺
制用度金倉綠野開新第

青宮治令望蓬瀛歸掌握台鼎列門牆碩德韓兼范神功
杜與房守成肅相國偃武郭汾陽

壽寓親調燮耆英出

廟廊翠翎頒

殿陛

紫翰照琳瑯拜表身逾健簪花鬢未蒼萊衣階對舞鴻案
室相莊結習畱儒素徵歌却頌揚華筵文字飲雅集鷺鴛
行雪豔翻珠串梅清勸玉漿依光近南極拱手祝康彊

余出按高廉雷瓊四部鄂士將歸就試省署話別二
首

幾時相聚忽相遠離合匆匆淚暗揮我自獨浮滄海去君
須早趁便風歸到家卽覓雙魚寄度嶺常愁隻雁飛歷歷
江山猶在目舊題詩處認依稀

四千里外路重尋十八灘頭水未深好向庭幃傳我語勉

加餐飯體親心漫天春雨愁難別指日秋風聽好音執手
互辭還互送垂楊多處一沈吟

元夕吟

去年元夕在鄉國吾親臥病侍親側中宵屏息攜兩仲搗
磨脈候調藥食空階踟躕出百計徹曉踟躕搜一得不知
明月照滿牖但覺峭寒身上逼十日喜瘥佳節過天宇沈
沈已如墨今年元夕到海南銜尾牙檣水路寒鈴羊峽下
水直瀉望夫岡頭天淨拭孤月漸高瘴霧開山明水清烟
樹黑舟前鼓吹聞騰沸舟後賓朋喜動色酒酣各自輸胸
臆兩岸春燈況如織良辰樂事并今年却念去年心惻惻
人生憂樂亦何有夜靜更闌獨追憶

電白縣溫泉

或言溫泉溫緣下產硫黃請以硫黃爨焉能成沸湯或言地本煥煖之等凝霜或言泉自煥拒之變寒漿我意泉出地以出爲溫涼譬如氣出口煥寒視翁張君看錐陷木木透火逆光而木本無火火豈在錐鈍物摩則自熱氣薄乃生陽生生苟不已硫黃產其旁此說聊自信造化無盡藏

題石城館東籬

勢家築園林以意爲模範植樹依繚垣鑿池就飛檻不顧造化笑自詡清華湛人事日方新安知天性斬余喜館籬樹承簷綠雲黯積水在其下穩坐如泛艦杈枒任榮落澄徹隨增減不解媚世人世人見者歎晝永影瞳瞳日斜光

淦淦高柯來禽棲遠激謝魚罔坐久不忍去清寒曉更犯

徐聞縣

太息雷州道荒涼一斗城窮黎多帶病惡樹半無名颺返
山田赤潮迴海屋傾近聞守土吏能卹

聖人氓

渡海

中原地脈伏起與南荒通瓊臺千里洲浮海氣象雄暗潮
長戍亥乘火開艤艫水光薄丹穴夜色黝青銅元氣忽混
合八面號罡風俯仰惟一白粒粟凌虛空大星現南極光
射珊瑚叢羣龍各吐珠晃蕩波濤紅海豚時出沒走入蛟
鼉宮月上蜃氣改萬象歸牢籠遲明望城市毫髮浮蒼穹

登岸始自詫六合收雙瞳

宴觀稼亭

城東十里盡春畦城北茅堂望易迷
過雨異香吹穠極接天平碧照虹霓
腥風時起檳榔瘴怪樹遙聞鸚鵡啼
河酌舊亭今在否汲泉重憶肇窠題

後渡海

時聞英夷私販禁烟天使令獻烟贖罪不從勒兵斷其食夷使始用命

中軍夜起馳兵符凌晨戰艦羅公徒
鼓鼙牙齋閒不用結東暫充濟海桴
舟人赴赴盡貔虎目轉鍼路手秉枹
瞬息百里騁豪快旗門燕坐雄千夫
船脣六礮鐵花繡神物鑄自乾嘉鑪
神物鑄自乾嘉鑪何不西聶碧眼奴
國家豢養近百載哀其窮蹙憐其愚
飢鷹飽食不揚去貪狼竟敢輕

天弧

至尊南顧授大吏玉鈇金璽弓矢旅肅清華夷鏹奸究驅
逐桀驚寬無辜輕狃狂象思一逞金魚未躍腸先枯此輩
本是含沙狐不如乘倣俘其孥君不見海市變滅那可久
神武不殺天將屠

謁雷廟十二韻

神姓陳氏名文玉海康人唐時爲海康刺史有功
德於民民祠祀勿衰今雷州陳氏皆神裔子孫相
傳神震卵而生歿後數著靈異曾助梁兵平黎廟
中石人銅鼓爲神靈蹟云

太古陰陽薄端歸造化司天人乘運會號令屬神祇况此

馨香祝尤非覆載私經綸天下徧功德海隅思刺史曾紆
綬鄉人昔建祠餘威銷殺運遺像仰英姿殿宇風雲衛幡
幢日月麾碧花銅鼓繡翠髮石人披盛夏炎蒸地羣氓瘴
癘期颶風愁迭發掣電望先施颶風則止禱罷金蛇走歸時
玉虎馳昏霾山下路拂拂見靈旗

羅湖

五岳不入境培塿有餘情溝漕連四瀆輒爲世所輕羅湖
據南荒雖小有令名勿言羅湖小花隄風日晴澄潭百尺
漪碧浪搖朱甍解衣坐亭角亦足娛我生好風滿寥廓所
得一襟清好月滿太虛所得一掬明人生苟知足羅湖抵
蓬瀛

天甯寺

南州厭荒穢異境偶一留到門古樹合繞幢香雲浮寂寂
鐘磬冷朗朗庭戶幽龍眼垂簷瓦荔枝亞簾鉤間以紅白
花各各錦繡毵緬想老同叔謫居臥海陬萬事不挂眼雜
卉滿園疇花間設小酌蔬果儷茗甌清談久益洽日晡殊
未休山僧乞我書我書條已適涼風在蘿壁微雨如新秋
灑然來筆上可遇不可求

廉州清樂軒爲東坡先生留宿處歲久傾圯迷其故
址諷合浦令韓鳳翔擇勝地起之

桑田滄海變移時傳舍遺廬更可知却爲昔賢留一宿祇
今故地有餘思廉山門外千重翠合浦城南萬頃陂何必

先生曾託足爲余佳處結茅茨

重過琉璃庵

琉璃庵外路風景倍依依野橘先霜熟山茶經雨肥香雲
寒佛座花影靜禪扉重認舊題榜空亭餘落暉

余初過爲
題琉璃庵

三字

試竣扃戶李少椿吳拜蓮有基畫詩酒之勝戲次韻

骨冷魂清晝不眠未須長日已如年才人學畫忘形似高
手圍碁讓敵先公等得閒宜飲酒平生自問不言錢

昨得
家書

知浙中爲予
造不要錢歌能攜俗士隨佳士同看秋花古石邊

拜蓮見答再次

酒龍詩虎擾安眠美爾清狂正少年妙翰淋漓宗米芾新

詞苑轉壓張先

拜蓮能書及詞

轍軻世路輒磨鏡落拓才名錦作

錢莫便牢愁成苦語扶搖終擬九霄邊

夜話環碧園再次

池館淒涼未忍眠朋歡聯臂似童年人當中酒談逾劇秋
到深宵覺最先水際涼風初透骨眼前好景不須錢桂花
早晚通消息何用追尋月窟邊

曉起再用韻

開戶巡行露砌邊紛紛花朵落金錢半牕殘月尋猶在高
樹涼風得最先叉手聊爲獨往客回頭忽憶在山年何時
解帶儕猿鶴晞髮朝陽枕石眠

疥

乾坤有瘡痍余亦徧體疥遺疾豈無由猝發不足怪南方
瘴癘地百味無一快所嗜獨荔子其下龍眼殺一啖輒百
枚胸中不芥懣大患在肘腋細毒輕蜂蠆沈湎意苟安貪
饕遂致敗元氣日消耗未能諉薶贖積重驟難返噫嘻甚
矣憊微搔初隔膜乍起類纖芥未劇語猶諱雖藥意頗懈
痛癢漸關切反覆多狡獪小却若易玩益甚爲所賣非種
久不鋤長城吾自壞急治不可失筮醫占得大蕩滌儲稍
礪攻砭利器械鬱怒力乃奮勇往氣愈邁惡石旣載投美
疾始一瘥一瘥未足恃形神尚凋瘵成事安忍說後患當
豫誠明年恐復來惴惴余心戒

錦峰書院詩

督理廣東貿易稅務厚庵同年

豫堃

前任江甯織

造兼龍江西新關稅務時曾葺錦峰書院校吳下

士尊人緘齋先生親定甲乙先後獲雋甚夥一時

稱盛因繪爲圖名公鉅卿題詠殆徧熙督學廣東

獲睹圖卷追賦此詩次卷中林少穆前輩則徐韻

上古治天下垂裳著義傳端拱坐無爲英賢滿丞掾不外

五章服別啓五明扇補袞職分授觀象俗自變中古政漸

歧乃開崇文院舍流苻窮源有若鏃在箭劉君使君尚衣

卿家聲風雷游管籥司東南勾稽資利便餘力開講堂始

基踵往彥文章可華國思並黼黻薦清風振巖穴膏雨澤

寒賤廣廈拓萬間佳士羅四甸錦峰雖如錦不及文字綯

醺醺探精心奕奕開生面高才滄海珠名句澄江練鉛槧
數百人冰雪五千卷而君方承歡鯉庭嘗燕見借彼五侯
鯖佐此先生饌甲乙操冰鑑勝負鏖文戰相繼頭角露咸
赴萃蒿宴當時治人心指日承

天眷詩歌吳會屢使節嶺海遍報宸知是誰秋風一鶚先
照謬掌文衡裁成媿狂狷投珠慮失隋獻玉愁別卞慙汗
眞淋漓撫卷生虛羨况今蛇豕狂謂夷尤欽文武擅犇縛
外夷囚節費內庫絹

天威懾萬里海氛清一片行洗虎門甲載紳矜峽硯館舍
羅俊傑教誨忘厭倦先後相輝映華夷盡歡忭轉瞬桃李
華歸來雙海燕

題都統奕公湘墨畫牡丹

不鉛能白不脂紅妙筆真堪奪化工記得醉歸燈下見一枝影在玉屏風

自惠州至潮州舟中看山水八首

飄飄一葉舟去若江上鷗千里不知遠山沒隨烟霧空曠渺難極蒙密深無路奇險久愈多幽秀時一露笑我聰與明久爲造化銅且復領其妙自謂有神情

崩崖五千仞峭壁孤松挂下蔭深黑潭柯葉辨纖芥照見潭底石峰棱鋸不壞水來輒與鬥回環舞澎湃高下兩不作橫恣乃一派誰能探其根萬古閻幽怪所見特緒餘激賞吾已隘

灘水挾石去灘石挽水住去住兩不決水怒石亦怒水石
自相怒空令見者怖不如鼓柁人昂首不回顧

不知舟入峽臥聞艣聲響披衣起開門敞空多篠簜寒松
時間出怪石見三兩一瞥忽已過化作烟蒼莽惟有翡翠
禽衝烟獨來往

兩山夾一川川繞山之麓扁舟屈曲行山勢往而復南山
苦多骨北山苦多肉多骨最堅瘦多肉蕃草木居民愛北
山築舍當其腹遙見炊烟起裊裊出脩竹南山杳無人白
雲滿空谷

高山洵云好大水洵云美吾尤不忍遺單山與片水朝暉
夕霏間隱見在疑似造次不易得偶得益可喜看看矯矯

者未必皆奇士試讀高隱傳往往無名氏

去年清遠峽允爲南州傑今年康祁山勝處可相埒平生
間萬里雲烟隨變滅惟有佳山水一見輒心折吾家靈鷲
峰亦在幽賞列冷泉走潺潺夙昔所慕悅前年賦北征依
依不忍別知己今屬誰歲暮多霜雪

幽賞別有在浮慕安足貴舟行十餘日滿目見蒼蔚蔥鬱
入夢寐潏泓沈腸胃舌本眞瀾翻筆端有雲氣新詩尚精
粕嗷嗷直詞費不如姑置之默會轉多味

潮州謁韓文公廟

天胡以公界有唐不能使公容廟廊自漢唐而新政驟
遭斥還來炎方公於嶺表已再度最後獲譴竊要荒奏疏

抵地殺無赦。猶賴賢輔爲掄揚。嶠關商嶺冒雪走馳驅。萬里移孫湘。更破郵吏比蟻蝨。軒舞唇舌如箕張。豈知天意別有在。予之以窮乃益昌。當時不測後始悟。聊假佛骨遊蠻疆。到官下馬問疾苦。巡行惡溪沈豬羊。具文祭告乎自製。窟宅夜徙腥風狂。要是正直能感通。有如雲霧披衡陽。不然鱸魚不識字。焉知刺史雄文章。彼齋旣訓我靈服。遂開學校脩膠庠。坐令南海變鄒魯。寂課八月祠千霜。我聞豪俊乘時出。後賢繼軌前賢光。卽今罷俗久需振。誰如公者躋公堂。韓江淼淼韓山蒼。嗚呼天意終渺茫。

學書自題

凡翻心齋翔駕蹏肩騰振事。倍不功半亡夥所獲。僅拙書。

夙慙報苦學自齟齬初時愛書譜久乃疑筆陣依附恥豪
門搜剔雖餘燼察變窮萬態唾棄盡一瞬追慕終人役返
觀恒內認一慮周物表孤心孰我印力竭竟難到學輟還
自進解脫厭繼削習忘齊枯澗雄情提纖趣叢美競獨雋
細微安足爲沈摯所可信迄今堆敗草念昔搔斑鬢卷紙
發哂笑作詩療美疾

河源晚泊

挂席河源縣停橈日暮天斷霞明夕浪孤塔出人烟驛暗
連榕蔭却荒擁蔗田新詩何好惡聊一記山川

少椿伉儷寄詩唱和同人咸賦次韻二首

侵曉簷前鵲語乾家函到過歲華殘書和愁寄須珍重詩

爲窮工忍贊歎應惜病軀吟太苦恐增別恨和偏難好將
吉語頻頻答月魄明年影不單

一樣思家淚未乾西風話到燭燒殘每因異地常同慨欲
替人愁轉自難裁
替人愁轉自難裁
况未緘新詠酬唱看來我益單

舟中讀拜蓮懷玉樓稿

雲山佳處卷頻開海水天風亦快哉句到淋漓疑我語平
生睥睨畏君才
生睥睨畏君才
早晚定知成績稿預爲寫酒待詩來

習苦齋詩集卷之五終

習苦齋詩集卷六

錢塘 戴熙 醇士

野吏亭

在惠州府治宋陳文惠公堯佐故址

野吏亭猶在扶搖上石梯江山千里豁城闕萬家低太守

樂誰識

謂楊觀芬前輩希銓

使君癡與齊移時不忍去陳述認標題

羅浮飛來石

在惠州府治東堂古榕下

天風斧蓬萊夜半左股落仙真住玉洞隨風去飄泊翩然

下碧霄墮地輕於籜欲墮不墮時有若寥天鶴化爲美人

魂嫋嫋腰肢削時作掌中舞憑虛四無著東堂闕荒林風

雨易蕭索常恐仙裙杳飛去蓬萊閣

東新橋

犀帶留佳話虹橋認故基
輓隨潮上下長作路透迤古樹
依城密孤帆出浦遲橫江猶鐵鎖眺望憶當時

豐湖

西湖各有妙茲以曲折勝遙從豐山來象嶺外綿亘瀦爲
千頃陂適我野游興春氣正駘蕩雲物盡包孕嵐影墮花
澈波光上蘿磴風日一盪摩草樹皆精瑩輕舟漾其間搖
搖勢不定隔浦懸孤塔穿林入微徑遂陟雲際寺載尋烟
外磬浩渺知難窮泛月搜餘賸

蔡春帆同年吾亭

斯亭以吾名屬吾無不可而吾當屬誰我有人亦頗是卽
無所屬問屬殊瑣瑣亦非無所屬所屬益益夥愛此片席

地綠陰三面裏外臨千頃湖浩蕩若泛舸坐見古榕鱗一
舸湖中簸想彼倚篙人見我舸中坐且自啜苦茶不用較
人我

元妙觀蓬萊石

脣宇見精悍筋骨露奇秀蒼然泰華色挺此一峰瘦雖經
風雨剝不受莓苔繡我疑古飛僊攜來出懷袖偶然值林
間遂並南山壽世人那得知綠雲闕清晝

東方先生祠前紅梅

玉貌仙人迥出羣縞衣不著石榴裙東風替染臙脂暈嫁
與先生作細君

永福寺貝樹

奇樹鬱沈沈移根身毒土肥柯盤屈曲密榦攢三五我來
葉正脫不向東風舞叉手了無言指指天龍豎野梅花其
旁飛英散如雨

豐湖亭

湖心亭子好一點鏡中懸小比漚浮水圓於月在天烟波
搖不定光景浩無邊何日重攜酒垂楊繫畫船

王子霞墓

萬里馳驅侍逐臣江樓山寺寄閒身相隨患難眞知己不
合時宜得解人南海千年留勝蹟西湖兩地接芳鄰壁間
縱有迎神曲詩記同鄉語倍親

遊六榕光孝二寺歸紀所歷十首

東坡書六榕額

六榕舊榜題老坡字徑尺八體壁窠老樹多年屬鄰圃遺
刻未受風日磨我來游訪掃苔壁坐臥其下三摩挲不知
骨肉是何物但覺掀髯對我兩頰渦汀州太守謂伊秉綬汀州人

古好事粵中題榜窮搜羅德有鄰堂宸嚴重思無邪齋猶

嵯峨默化堂額典型在已有老隸嗤其說

惠守楊前輩希舜云舊隸謂堂

字已瓊南洞酌竟蕪沒其餘散落知且多此刻精整亦可

寶毋使利刃傷蛟鼉先生所長不獨此區區之好無乃阿
淪肌浹髓要有在欣慕特寄點磔波嗚呼吾年四十兩鬢
皤書且不成安問他

東坡辨道歌碑

經苑七尺石破裂如壞衲隱見辨道歌綠字苔蘚而歌詞
辨真道謂當棄紛雜驕奢形彭亨矜夸言合沓貪愛與嗔
喜籠箴日招納趨死等獵獫晨鐘何鞞鞞忽忽八百年讀
者如嚼蠟豐碑笑世人昂首對孤塔慨我生也晚殘缺追
摹摺疑義日已多欲舉無人答

寺後舍利塔

此塔何年造頽垣長碧蘿森嚴老尊宿蕭瑟病維摩偶作
獨游客思登七級坡危梯不可上辜負影嗟峨

達摩井

晨入訶子林亟訪達摩井圓甃幾成壞尺水自清冷徑思
汲井華却恐辜修綆不酌曹溪水此味驟難領早歲參西

來寸心常耿耿豈辭聞道晚所願致力猛回首四十年白
駒浪馳騁頭顱竟如許慚愧井中影

菩提樹

寂寂古壇風口冷上有虬柯耿疎影是從摩伽陀國來鬼
伯蠻君晝夜警栖以迦陵鳥綴以曼陀華香雲滃鬱法雨
灑金剛琉璃森衙衙寫經作福吾不信從僧且乞菩提紗

風旛堂

風旛不是動動乃風所爲謂是風之動風動見者誰兩動
爭不決心動輒相隨妙哉廬居士片語驚其師我聞治心
訣先治其所馳若求得此心動靜乃可施無靜始無動無
心更何治居士不可作此語孰轉之惟有風旛堂空洞照

方池

洗鉢池

洗鉢池頭立澄波漾綠蘋池空留此地鉢竟屬何人樹碧
風搖晝花香雨漲春齋堂人寂寂欄角小逡巡

六祖髮塔

南海法性寺曾寓盧居士是爲能大師訪道走千里旣得
東山法還歸法性止演教寶林壇移錫曹溪水當日一螺
葉於今孤塔起千古南華龕遙遙相對峙

金塗塔

夙聞金塗塔南漢之所供兩兩東西峙勒字尚可誦其一
大寶年癸亥當夏仲內侍龔澄樞鑄造鄧氏從一勒歲丁

卯有司奉勅送二丈有二尺綴以吉語頌鑄塔未四載持
挺遂入宋封之降王長繫之列侯俸銀乎爾可兒作事頗
殊衆擘擋東南力糜爛供一弄迄今立積鐵雙聳高連棟
倘治千秋業墜子才可用宋藝祖嘗謂左右錢好工巧習
以成性倘能移於治國豈至誠

哉亡

銅臥佛

謂師欲睡努兩目謂師欲起伸兩足世人營營夢不休阿
師獨醒三千秋今我謁師行萬里津梁之疲可知矣我倦
欲眠師起起

哀癡兒 憫冤也

東家富兒狗食肉西家貧兒人啜粥富兒一朝怒殺人縣

官惡捕驚四鄰貧兒不願生富兒不願死不如鬻身代爾
死白鰥觥觥婦妻子上堂對簿氣象豪行歌一曲來市曹
貪夫殉財古亦有似爾性命真如毛吁嗟乎城南枯骸寒
無柳寡婦嫁人孤兒哭

哀痠人 痛溺也

熬花作膏膏有毒裝以陶坯吸以竹精氣耗盡臟腑腐漸
剝爾肌銷爾肉安用肉安用肌爾懷之樂世人那得知謂
醉非醉夢非夢奄奄待斃其樂不可支可以渴此愛最難
割可以飢此道最難離昨聞南鄰誅死北鄰械今日飽餐
明日戒

哀游民 戒黨也

豐衣足食百無爲結盟拜會相追隨古今豪傑惟有我安
識黃巾與赤眉父子不相能兄弟不相友惟我盟會不可
負一朝官捕走四方東有肥羊西有酒嗚呼不言盟不言
會豈有良民官肯害

哀貪夫 懲倖也

市井渠魁創奇術借事作圖詭難詰人各出錢寄巨室託
以幻名載之筆一朝發覆消息疾貧者千人勝者一鼓吹
過衢路主人送泉布借問送者誰半是主人親與故吁嗟
乎貪夫終不悟

七星巖

南離炎帝歲巡狩松臺夜觴朱鳥宿

肇慶府志七星巖日
上帝觴百神處

盤月杆星俎豆醉斟北斗以爲壽飄然墮地巨雷吼隨風
化作七巖岫寒皴煥蝕餘枯瘦巖巖蹲踞蛟龍竇平莎細
路裊篆籀穿空入窟競奔湊初級偃仄愁顛仆下仰窪鑄
上俯鍤浮梁蜿蜒若天構以手捫梯頂承溜大書徑丈快

一觀

巖洞刻唐李邕書
景福二字大徑丈

題名紀游紛雕鏤徑轉孱豁所藏

富石角石鼓相敲奏石乳垂垂倒懸綬深谷谿衍鉅齒漱
黝黑鐵壁苔雨繡精瑩玉樓松風透安得巨靈來奮袖劈
空伸臂發其覆石天倚杵一隙漏瞥見蓮花鉢中咒開土
結趺司福祐雙眉不伸兩頤雷注視絕壑飛雪逗坤軸圯
裂撐床窟傑閣橫枕風漪皺羣峰羅列若仳儷萬頃瀝湖
驚邂逅儲奇納怪擺習狃闕幽測遠窮參究有若荒墳入

猿狖又如破竈走狸鼯蟻角穴樹螳封翫繭絲孕蛹窩哺
殼蟻巢蟬腹蠻觸闕持以方之差不謬茲游奇絕那可又
弱足更上天門叩我思七星之精天所投運於中央傾緯
候今迺沈埋在荒陋當發蘊蓄事拯救怪物夜出雲雨晝
盡洗蠻獠變靈秀帝嘉汝功終汝佑騰精上天照宇宙

次韻

蔡南衡七松

天帝巡南大行狩軍門翼翼會羣宿羽林車騎紛如豆
南極臨師杖靈壽弧矢高張天狼吼豐隆轟然劈巖岫
頑者忽靈肥者瘦蟾蜍突目獅逸竇柱擎屏障掌畫籀
圓屋岡臺巧排湊數之則七立或仆下臨瀝湖覆如鏡
仙橋千尋虹結搆帝命觴神以丹溜開闢靈境眞奇觀

烹龍瀹鳳蛤雕鏤胡麻火棗旨且富河鼓鼓衆衆技奏
刑天舞干鳥吐綬間以松濤寒玉漱洞口雲開鏡磨繡
危翠倒影波光透常恐壺仙納之袖山靈爲之設七覆
又虞飛去教僧咒星辰鎖山天所祐連歲濛濛下甘霽
余欲往遊爲病逗索書以觀坐庭廂間風容與阿波皴
以意度之等軒輊何時能與山邂逅豈有數存不可狃
佳境未許親尋究攀援難逐檻中狖熟視無覩穴中鼯
欲觀天象坐井甃見小何異居巢穀傳聞難與親見鬪
古今變移豈無謬如此勝游君能又願陪其後松門叩
君才萬斛殆天授羣仙拂拂恭迎候乞以君華藥余陋
其奈膏肓不可救光芒萬丈夜復晝北海書麗君書秀

天令神物爲護佑勿使磨滅垂宇宙

曉發羅定

日出瘴烟洗天空江路賒風圍雲作絮石激浪生花山曲
帆頻轉林陰慢不遮邇知身是客已慣住浮家

夜泊清遠

停舟烟水窟捲幔見星河峽險山圍驛江空月盪波客從
行路老詩入宦囊多東望雲千疊懷人發浩歌

進連州江

連江古滙水形勢雄南州奔騰赴潁陽西來迎我舟轉樞
風色改光景浩難收巉谷有怪雲石瀨無安流未敢畏行
役會當追冥搜上窺千仞巖下瞰百丈湫

含洸厰

含洸縣久廢故地或名厰凌晨望寥濶平川浩泱泱山高
日出遲空翠相摩盪人烟雜雲霧曉色明筱簍杳靄沖澗
間亦足遂幽賞

錦浪灘

沸水上崩奔禿石下環衛盪決作飛雨倒灑江天霽溜急
萬篙戰風緊羣許厲掀篷望三峽亂峰插雲際

三峽

連山若奔雲因風時一歛拔地挺修莖燭天騰列燄銳鈍
列千角青赤攢萬點駢頭各競出瘦削類新刻下眎長江
流側覲孤帆颭安得瞿塘游經此蜀道險

連州坪

岷樹多異花好鳥嘯不見西岼連州坪北屬陽山縣取路
漸曠渺閉空尚葱蒨獨峰時一出激浪去如箭迴首青濛
濛入峽勢又變

青蓮汎

輕舟溯斟水歌側乘兩帆絕壁動千仞照眼青巉巖怒湍
出芒角齧石成空嵌修篁據其上寫影何筩摻容與不能
久瞬息來千巖

通儒水口

衆水茲交會羣山互回繞蜿蜒數百里陡絕太虛表石屋
出嶺罅山田懸樹杪始覺雲日高劣辨松杉小嶽釜下無

垠突出最天矯日暮杳人蹤盤空見獨鳥

小神灘

陰厓忽中裂密樹緣其凹叢生蹲羣猊倒出蟠孤蛟鬱翠
滃谿壑積溼蒸皎礫萬古日不到惟有歸雲巢

石螺灘

縈縈水中螺灘惡未容泝惟有出水磯嵯岈夾前路怪爾
空洞腹風濤日吞吐細剔脈絡出久礪鋒鉞露青筋白者
骨積溜不敢蠹精瑩水晶域永謝浮雲汚

石鐘巖

造物當造神形器殊屑屑君看龍齒鐘片石寓金鐵巖洞
薄暮尋僕僮列炬焚摩厓剔古蘚以手讀殘碣飛仙冷鉛

豕開士罷言說惟聞蒲牢吼響空尚不絕噌吰谷口應縹緲烟外滅深入轉孱豁力探益勇决高下勢多端屈曲意又別積石畏狂狃止水愛澄澈遂攀龍蛇宮一照靈怪穴嚴冷不可久毛骨沁冰雪出洞鐘韻杳忽覺世路熱

龍湫潭

犯曉登高岼回飈襲雙袂坡陀閉叢莽巖壑埋陰翳寒縈忽下垂密雲在空際幻作千丈練晃蕩照新霽當其初出時衆水相排擠意欲尋鉅海昂首左右睨礪石頃怪之出力挫其銳水憊乃起立猖狂肆吞噬脫隘始自悔偃息到海溼浩浩隨波流滔滔日東逝水石非有心爭奪乃其勢而我忘機人安能爲所蔽登舟三歎息雲天獨凝睇

楞伽峽

積水化爲石石勢皆下俯突兀夾兩厓顛倒懸萬乳擎出
飛空泉灑作滿天雨交匯奔巨雷倏忽過强弩盤盤蒼藤
挂瑟瑟寒籜舞翡翠鳴啁啾蛺蝶見三五我欲躡其顛山
風落如斧恐有會鐘龍來攫跑泉虎二事見志歸當挾睡仙脫
漏重游補峽中有睡仙石舟行可見

歸舟游同官峽

我舟十日行湟溪厭見巖壑颯以淒臨別不忍重攀躋舟
迴復溯湟水西同官峽石累羣蟠高崖蒼蒼天與齊洞中
聞有蛟蛇栖峽上有冷然洞山靈胡不封丸泥褰衣跋履盤石梯
秉火下尋百丈峴名山要有名賢題茲峽何幸逢昌黎同官

卽同冠亦
日同鑑
我輩浪游空刮鑿分無傑句歸囊攜江光閃閃
落日低感咽下坡纜解隄山容谷態忽慘悽樹爲蕭騷鳥
爲嘯似欲稽我邠可稽山峽迴望蒼烟迷

謁張文獻公祠

翩翩風度照寰區
弈弈文章歷上都
七寶山宜才子坐
千秋錄是相臣謨
天地颺颺終虛恬
海國仙禽尚擁雛
熙按
試韶

謁余襄公祠

願乞公前一瓣香
入門下馬拜祠堂
廷臣特識范文正
邊略差同狄武襄

聖代卽今除宿弊
諸公何計靖遐荒
上書請以身當賊
干

古聲名日月光

詠硯絕句二十首

余來粵中硯癖日甚惜好而無力不能致精腴然
威鳳一毛亦可藏弄既著蓄硯說復次其所愛者
繫以詩

古石磨多已作坳墨池隱隱辨螭蛟盛名敢比賢良研
物差同貧賤交螭螭古硯縱方高三寸寬二寸色如馬肝堂微凹額上螭龍隱起殿廷考試率用此研粵人不能舉坑蓋古石也篋中惟此爲舊物故首及之

春池漾漾欲生瀾積水空明荇藻圓可似蕭蕭竹柏影承

天寺裏月中看

浮藻方研極淨青花浮動舟過羚羊峽所得

舊時寶研堂中物投贈今歸賜研齋問爾平生幾知己一

雙青眼向吾儕溫瑜序之以蕉葉研見貽徑五寸銳上豐下偏

身玫瑰紫青花面背有二眼氣壯而

井華曉汲沈琳球蟻脚搗毛水上浮彷彿斜風吹細雨落

花飛絮滾成毬紅棉縱方無池高五寸上刻紅棉花一粒大如

豆

開匳噓氣欲生津暈紫縈青寂可人也似洛妃乘霧去凌

波羅轆暗生塵青霞天研大不及三寸勢若飛霞一片

塵青花也石角

啓匣頻看掌上紋兜羅展處氣氤氲何時掬得水中月猶

有餘波欲化雲玉黃椅圓如掌研心魚勝盞漾浮動四

石洞

泣紅灑碧最澄鮮賦似凝脂軟似綿一朶閒雲飛不去斷

虹殘照雨餘天

雲映片雲大掌許玫瑰紫青花豔豔欲活右邊五采釘一粒大西之映

春宵翦燭一開顏陡覺巾箱石盡頑認得肌膚若冰雪

峽是藐姑山

雪蕉高小雲癖視道光十三年盧制軍坤開大西洞小雲獲十餘精品余至肇慶

見遺蕉研冰紋凍惜研心有緣質釘為瑾瑜之取然無此恐小雲未肯割愛耳未始非余之幸也

一片晴雲入手溫湘簾棐几淨詩魂分明曳得昭儀袖角

上斑斑碧唾痕

紫玉片雲長三寸兩面青花左角玫瑰紫青花甚豔西洞之淨者近頗難觀重過

所得

玉蔓紛披浮墨沼金繩閃爍照書牕近來片石稱奇貨何

况團圞壁一雙

玉絲金絲椅圓雙研一銀綫一金綫質色俱良蓋大西石二研為羅定州試院

供具舊例學政得收文房供具余來粵一槩却之至是一循例焉

珊瑚爲骨玉爲胎雪淨冰清一鑑開不信摩挲日千遍蛛

絲猶絡紫玫瑰

網珊瑚自然研高三寸餘甃面冰紋一面有玫瑰紫青花一面有硃砂丁一痕

寒玉團團巧鏤雕瑯筒寄興兩瓊瑤怪渠亦有千年恨碧

血於今總未銷

凝紫浮青手石對剖徑四寸強背刻山水極精滿身玫瑰紫青花石氣甚壯蓋

大西傳石小雲出高要寄贈索畫爲作楞伽峽圖謝之

手硯渾如手一編雕蟲小技亦堪憐從今書味尋蝌蚪莫

效蟬魚只食仙

蘆簡小研作古簡形左邊就五采丁雕一蟲製作亦別研工云大西石

柔而不媚秀多姿窄窄闌圍淺淺池池上餘霞散成綺渴

蠶未敢向前窺

綺霞小方研池上多五采丁質色與蠶簡同

舊石才藏綠有德新坑德薄患多才從來後輩輸先輩閱

過人材又研材

漱玉石僅三寸餘冰紋凍青花綠質丁白質丁五采丁金銀纖白玉帶蠟蚰光色

色其備戛之聲如朽木蓋大西
底石然瑕不掩瑜不忍棄也

一丸朗月照清渠細膩真教玉不如果是陳坑亦可寶買

王何碾得半書

四月波

研大盈尺細膩無聲研堂碎陳盈

陳麻子坑絕品也近日鑒者不能辨雜坑見劣石輒
日麻子坑其實麻子坑止下老坑一等餘坑不及也

鐵榦攢生五山花石中曾記孕梅花盤盤又見枯藤瘦別

賞偏驚玉有瑕

絡藤

羅竹隱胎一研勒紋赭黃色盤東

成天然梅花一枝吳石華鑑記上方余爲之銘曰石
之腴孕花之麗並其鑄者天地鑄此類皆研中別品

卷雲小研石含滋瑟瑟微波欲動池一對彈丸初脫手案

頭留置寫新詩

雙九

小研作卷雲勢二眼徑四

星星月月看盈前滌筆教儂向那邊莫笑尚書脩史夜忍

寒半臂一齊捐

余酷愛石眼先後得流雲吐華月海天朝
旭荷塘生趣雲潤星輝諸小研今又得一

大研二小研竟日
摩挲不能釋手

石螺石蟹養方池偶爾雕鐫亦一奇何必三台與獨柱人

間逸品寢堪思

余用雜坑青花蕉白諸石鑿池池中琢石螺石蟹等物清水注之天然生動不泥古

式亦自
可玩

游白雲寺憩雲泉山館

晨興視秋空白雲墜露并起尋黻黻棲遂入招提境枯剎
扁荒林傑閣枕修嶺振袂乘高寒脫巾壯游騁松竇煙靄
白礪戶風日冷混合森爽氣噓吸海天影坐久不逢人雲
歸溼衣領

夙慕濂泉水因緣蒲澗流長林挾飛瀨急響環危樓涼風
忽回薄暗葉增飈飈蕭蕭蓀蘿雨灑灑庭戶秋探奇愜遐

賞訪道傾同遊清談亦已洽幽契真吾儔儻是安期生一
遇難重求

同作

香山黃培芳香石

清曉出北郭千朶青芙蓉草木含露氣禾黍何芃芃曲
折入幽邃澗水鳴琤琮開門仙犬吠落花掃芳叢已傳
使者來秋雲破高峰安期抗手迎羣仙排雲中一笑忘
世態水石譚坡公此去五百年古苔閱芳蹤溪深日卓
午樹杪聞清鐘

萬緣蔽空下晴天作風雨濂泉灑衆流蒲澗經牖戶煙
霞話仙心餘論上下古野荻忽羅列薄醉泯城府小爲
簞笠游道院連梵宇山光愛秦時臨流采芳杜方知蓬

茶人漫結雲蘿侶蘭亭與梓澤勝概各有取秋禊來吾
曹定見茲山主

同作

番禺張維屏南山

經年曠幽尋申旦果嘉約近山雲氣涼到寺泉聲落素
心先後集夙好在巖壑飄飄蓬萊仙言訪雲中鶴學使登鶴
臺舒因沿蒲澗行遂共匏樽酌一軒擁萬綠紅塵渺難著
高談出煙霞妙契入寥廓

安期古仙真游戲海之東東坡謫嶺南人間一衰翁金
丹有瓜棗騎鯨何時逢不如玉局詩萬本傳無窮九原
如可作二者宜何從學人不學仙我請師坡公仙亦坡
弟子學使詩多學蘇此意將無同

同作

鎮平黃 釗香鐵

駕鼇海浴日馭龍山浴雲仙官屏儀從晨訪雲中君披
綿擁宿霧圻縫來朝曛災方草木蕃火歛當秋分紅繖
出青松林容借微醺當年安期生蒲醪酌靈芬仙官近
不飲此語生應聞

飛霞間碧虛雲泉出其右棲隱招桂父彈棋邀橘叟揭
來散巾幘相與敞松牖泉聲詩竅鳴雲氣畫胎受耳目
洞元關主客挾談藪斯文得所依此會亮匪偶低徊南
雅堂儻繼南園後

同作

次學使韻

番禺黃玉階墓石

筍輿冠秋山俯視萬煙井行行覲修竹到此闕詩境浮

嵐似窺人倏已吐前嶺僕夫慎登陟繫馬不敢騁入門
諸籟寂訪道萬緣冷浩深渾若繡松淡欲無影飄然載
安道元風暢堪領

諸天散花雨下涌爲銀流水氣忽化雲捧此白玉樓是
雨還是雲濫作聲颺颺八月辰則伏峰峰齊釀秋昔日
安期生甘爲汗漫游今日樂復樂儻亦鸞鶴儔賈哉仙
人輟何必東海求

元符硯四絕贈黃蓉石

巨硯背鐫璽文曰御書之寶下篆書元符三年孟秋佳製

側篆書昔日不持包正直當年捧侍果中丞款署蘇軾二印曰奇珍秘寶蓉石攷定爲宋研云

謫宦三年昌化軍曾將紫石贈姜君歸來醉墨天蛻渴重
割端州一朶雲

元符三載孟秋月正值先生內徙時清樂軒中啖龍眼掀

髯研墨寫新詩

先生是月在廉州清樂軒有龍眼詩

孝肅不持誠可希東坡持硯亦誰譏兩君真硯俱無損何
在區區一石微

七百四十一年物

自元符庚辰至道光庚子凡七百四十年

付與黃君不偶

然子子孫孫宜永寶印中吉語豈虛鐫

蓉石有長宜子孫小印

題朱寂癡畫障

草書奇字亦易辨龐服亂頭空自狂搜取一團蒼莽氣知
君心手兩相忘

石苔半效吳和尚樹法差同黃大癡獨有天機謝人力居

然摩詰畫中詩

北歸黃嘉圃偕同人送至佛山約便道游西樵山先
示二詩次韻奉答

送行何事復留行約訪名山旃旆沙口暫維歸去艇耳
中已作瀑泉聲縱橫川路潮初落迢遞嵐光晚倍明定有
洞天開福地水清石瘦與君評

聽說蓬萊左股分高峰四百氣氤氲東樵竟負千株雪北
去終披一片雲湖柳壓隄餐秀色山花絢壁挹靈芬歸囊
好貯新詩卷傳與吾鄉恐未聞

習苦齋詩集卷之六終